

Broj: 02-2-1-6377-22/16
Sarajevo, 21.09.2017.godine

Na osnovu člana 17. Zakona o javnim nabavkama („Službeni glasnik BiH“ broj 39/14) i člana 95. Statuta Univerziteta u Sarajevu, a u skladu sa članom 6. Odluke Upravnog odbora Univerziteta u Sarajevu broj 02-1218/17 od 14.02.2017.godine o utvrđivanju Plana javnih nabavki integrisanog Univerziteta u Sarajevu za 2017.godinu, V.D. Dekana Medicinskog fakulteta Univerziteta u Sarajevu je donio

ODLUKU
o dopuni
Plana javnih nabavki za 2017.godinu
Medicinskog fakulteta Univerziteta u Sarajevu

I

Utvrđuje se dopuna Plana javnih nabavki za 2017.godinu Medicinskog fakulteta Univerziteta u Sarajevu, usvojenog Odlukom Upravnog odbora Univerziteta u Sarajevu broj 02-1218/17 od 14.02.2017.godine, kao u tabeli koja se nalazi u prilogu i čini sastavni dio ove Odluke.

II

Sastavni dio ove odluke je kopija zahtjeva Službe održavanja od 19.09.2017.godine.

III

Ova odluka stupa na snagu danom donošenja, a bit će objavljena na web strani Medicinskog fakulteta Univerziteta u Sarajevu.

O b r a z l o Ź e n j e

Odlukom o utvrđivanju Plana javnih nabavki integrisanog Univerziteta u Sarajevu za 2017.godinu, broj 02-1218/17 od 14.02.2017.godine (u daljem tekstu: Odluka), Upravni odbor Univerziteta u Sarajevu je utvrdio Plan nabavki integrisanog Univerziteta u Sarajevu za 2017.godinu, čiji je sastavni dio i Plan javnih nabavki Medicinskog fakulteta Univerziteta u Sarajevu za 2017.godinu broj 02-2-1-6377/16 od 29.11.2016.godine.

Članom 6. stav (1) navedene Odluke, utvrđeno je da se u toku godine plan nabavki može tokom budžetske godine izmijeniti ili dopuniti u skladu sa obezbijedenim finansijskim sredstvima.

Članom 6. stav (2) navedene Odluke, propisano je: „Izmjena ili dopuna plana javnih nabavki Univerziteta u Sarajevu/organizacione jedinice vrši se na način i po postupku predviđenom za njegovo donošenje.

Zahtjevom od 19.09.2017.godine Služba održavanja zatražila je da se putem zaključenja direktnog sporazuma za izvođenje radova izvrši hitna drenaža amfiteatra Grujica Žarković, zbog uočene vlage po čoškovima amfiteatra i pojave lokvi vode na podu amfiteatra uslijed podzemnih voda.

Odlukom o utvrđivanju Plana javnih nabavki integrisanog Univerziteta u Sarajevu za 2017.godinu, broj 02-1218/17 od 14.02.2017.godine, čiji je sastavni dio Plan javnih nabavki Medicinskog fakulteta Univerziteta u Sarajevu za 2017.godinu, u dijelu koji se odnosi na „Radove“ nije bila planirana nabavka radova: drenaža amfiteatra Grujica Žarković.


Imajući u vidu da je neophodna hitna drenaža amfiteatra Grujica Žarković, to je iz naprijed navedenih razloga ovom odlukom utvrđena dopuna Plana javnih nabavki Medicinskog fakulteta Univerziteta u Sarajevu za 2017.godinu u dijelu koji se odnosi na: „RADOVE“ tako da je pod r.b. 10. planirana nabavka radova: „Drenaža amfiteatra Grujica Žarković“, gdje je procijenjena vrijednost nabavke 6.000,00 KM. (bez PDV-a).

V.D. DEKANA



Amela Kulenović
Prof. dr. Amela Kulenović

MEDICINSKI FAKULTET
UNIVERZITETA U SARAJEVU
Sarajevo, 19.09.2017.godine



URED DEKANA
n/r V.D. Dekana Prof.dr. Amela Kulenović

PREDMET: Prijedlog za pokretanje postupka javne nabavke radova-drenaže

Poštovana,

Nakon vikenda dana 18.09.2017.godine u amfiteatru Grujica Žarković po čoškovima uočena je vlaga, dok su se na podu amfiteatra pojavile lokve vode. Pošto je amfiteatar većim dijelom ukopan u zemlji i kako se u prostorijama iza amfiteatra (arhiva fakulteta) nalaze lokve vode (problem koji od prije postoji), smatram da se radi o podzemnim vodama.

Predlažem da se u amfiteatru hitno napravi drenaža koja će sakupljati te podzemne vode koje će kasnije odlaziti u odvod van objekta.

S tim u vezi, predlažem pokretanje postupka javne nabavke izvođenja radova drenaže donošenjem Dopune plana javnih nabavki i Odluke o pokretanju postupka nabavke putem direktnog sporazuma.

Procijenjena vrijednost ove javne nabavke iznosi 6.000,00 KM.

Tehnička specifikacija za navedene radove bit će pripremljena uz poziv na dostavu ponude.

S poštovanjem

SLUŽBA ODRŽAVANJA

Filipović Admir

